



Examen d'admissiun da la 2./3. classa secundara

Las dumondas e respostas las pli frequentas
per entrar da la 2./3. classa secundara en la scola media

Ils examens d'admissiun sa basan a l'Ordinaziun davart la procedura d'admissiun a las scolas medias (BR 425.060) dals 2 da settember 2008.

1. Tge èsi da resguardar?	> Ils examens d'admissiun per la 3. classa dal gimnasi e per la 1. classa da la scola media commerziala resp. scola media spezializada vegnan manads tras communablamain en la 8. classa. > Quatter roms vegnan examinads.
2. Tge roms vegnan examinads?	> roms d'examen cun emprima lingua tudestg: tudestg, anglais, aritmetica & algebra sco era geometria > roms d'examen cun emprima lingua rumantsch: rumantsch, anglais, aritmetica & algebra sco era geometria > roms d'examen cun emprima lingua talian: talian, anglais, aritmetica & algebra sco era geometria
3. Con ditg cuzzan ils examens?	> examen en scrit en il rom emprima lingua: 90 minutas > examen en scrit en il rom anglais: 60 minutas > examen en scrit en il rom aritmetica & algebra: 60 minutas > examen en scrit en il rom geometria: 60 minutas
4. Co quintan ils singuls roms?	> Mintga rom d'examen quinta sco atgna nota d'examen.
5. Tgi decida davart la tscherna da l'emprima lingua? (decleraziun persunala)	> Cun l'annunzia per l'examen decleran las candidatas ed ils candidats ensemen cun las educaturas ed ils educaturs l'emprima lingua, q. v.d. quella lingua chantunala en la quala ellas/els vegnan examinads e survegnan las dumondas da l'examen (decleraziun persunala). Excepziun: Per ils roms aritmetica & algebra, sco era geometria na datti naginas dumondas per rumantsch.
6. Sa differenzieschan ils nivels da pretensiun tut tenor l'emprima lingua?	> Il nivel da pretensiun en il rom anglais è per las candidatas e ils candidats cun l'emprima lingua talian in pau pli bass, cunquai che quels han gi pli paucas lecziuns anglais en la scola populara.
7. Tgi ha il dretg d'ina nota d'admissiun e tge quinta quella?	> Ina nota d'admissiun survegnan mo las candidatas ed ils candidats ch'entran directamain suenter la 2. classa secundara (senza onn intermediar u onn da scolaziun supplementar) en la scola media. > La nota d'admissiun vegn fatga a maun da l' attestat dal davos semester. > La nota d'admissiun quinta sco nota da rom d'examen supplementara.

8. Co vegn la nota d'admissiun calculada?	<p>> La nota d'admissiun vegn calculada a maun da l'attestat da semester ch'è vegni emess sco ultim sco media arrundada sin ina mesa nota da las notas dals roms geografia, istorgia/instrucziun civica ed economica, instrucziun da la natira, furmar creativ, chant e musica sco er educaziun sportiva.</p> <p>> Ils roms ch'èn relevants per calcular la nota d'admissiun na vegnan betg instruids a la scola secundara en nivels differents (model C).</p>
9. Co sa differenzieschan ils examens per la 3. classa dal gimnasi e per la 1. SMC/SMS?	<p>> Las candidatas ed ils candidats absolvan il medem examen per entrar en la 3. classa dal gimnasi ed en la 1. classa da la scola media commerciala resp. en la scola media spezializada.</p> <p>> Il dretg d'entrar en il gimnasi resp. en la scola media commerciala (SMC) u scola media spezializada (SMS) vegn dada a basa dal resultat da l'examen. Per entrar en il gimnasi han ins d'avair cuntanschì ina media da notas da 4.5 e per la SMC/SMS ina da 4.0.</p>
10. Cura hai jau da ma decider en tge partiziu da la scola media (gimnasi, SMC u SMS) ch'jau vi entrar?	<p>> Las candidatas ed ils candidats inditgeschan cun l'annunzia per l'examen en tge partiziu, gimnasi, SMC u SMS, ch'ellas, els vulan entrar.</p> <p>> Sche las candidatas ed ils candidats èn s'annunziads per ils gimnasi, cuntanschan dentant ina media da notas tranter 4.0 e 4.49, vala l'annunzia per la SMC u SMS ch'ins ha tschernì sco alternativa.</p> <p>> Mutaziuns che pertutgan la scola media e partiziu tschernida èn pussaivlas tar l'Uffizi per la furmaziun media-superiura fin a 10 dis suenter avair retschavi la decisiun da l'examen.</p>
11. Nua poss jau m'infurmar davart las pretensiuns per ils examens?	<p>Sin la pagina d'internet www.mittelschulen.gr.ch chatt'ins las suandantas infurmaziuns:</p> <p>> Exempels d'examens dals davos 4 onns</p> <p>> Disposiziuns davart las enconuschientschas preliminaras</p>
12. Nua absolv jau il 9. onn da scola suenter avair passà l'examen per entrar en la SMC/SMS?	<p>> Las candidatas ed ils candidats da la 2. classa secundara absolvan - suenter avair passà l'examen per entrar en la SMC resp. SMS - il 9. onn da scola a la scola populara.</p>
13. Poss jau entrar directamain da la 3. classa secundara en la 1. SMC/SMS?	<p>> Gea, las candidatas ed ils candidats da la 3. classa secundara pon - suenter avair passà l'examen entrar directamain en la 1. classa da la SMC u SMS.</p>
14. Tge sto jau resguardar tar l'annunzia a l'examen?	<p>> L'annunzia succeda via internet sin www.zap.gr.ch.</p> <p>> Tar l'annunzia a l'examen èsi da pagar ina taxa da CHF 100.-.</p> <p>> Ils suandants documents ston en mintga cas vegnir inoltrads al secretariat d'examen (adressa vesair sura):</p> <ul style="list-style-type: none"> • copia da l'attestat da l'emprim semester da l'onn current • copia da la carta d'identità u dal pass <p>> Las indicaziuns pli exactas pertutgant la procedura d'annunzia electronica èn disponiblas sin la pagina d'internet www.mittelschulen.gr.ch.</p>

15. Co paj jau la taxa d'examen da 100.- francs?	> Per il pajament da la taxa d'examen da 100.- francs retschavais Vus en il decurs dal schaner 2013 in cedel da pajament da l'Uffizi per la furmaziun media-superiura.
16. Fin cura stoi jau pajar la taxa d'examen da 100.- francs?	> Il termin da pajament munta a 30 dis suenter avair retschavà il cedel da pajament.
17. Fin cura poss jau m'annunziar per l'examen?	> Il termin d'annunzia per ils examens d'admissiun a la terza classa dal gimnasi resp. l'emprima classa da la SMC u SMS è publictà sin www.mittelschulen.gr.ch . > Il termin d'annunzia è in termin da scadenza. En cas d'ina annunzia retardada è la participaziun als examens d'admissiun esclusa.
18. Tge capita sche jau na pos betg vegnir als examens per motivs nunprevis?	> Tgi che na po betg sa participar als examens per motivs da sanadad nunprevis u en consequenza d'in accident sto communitgar quai il pli spert pussaivel tant a la direcziun dal lieu d'examen sco era al secretariat d'examen, il pli tard dentant avant l'entschatta da l'examen agiuntond in attest dal medi. > La grupp directiva examens d'admissiun a las scolas medias grischunas decida davart ina admissiun eventuala als examens supplementars.
19. Pos jau far ils examens supplementars sche jau hai manchentà il termin d'annunzia?	> Na. Access als examens supplementars ha mo tgi ch'è s'annunzià entaifer il termin per ils examens d'admissiun, n'ha dentant per motivs cumprovabels (attest dal medi) betg pudì sa participar als examens.
20. Pos jau m'annunziar per l'examen d'admissiun a la terza classa dal gimnasi u l'emprima classa da la scola media commerciala u spezialisada sche jau absolv il dieschavel onn da scola u sun entrader (-dra) lateral u tardiv?	> Da princip betg. En cas d'excepziunals giustifitgads drovi ina permissiun da la grupp directiva per ils examens d'admissiun. Per quai èsi necessari dad inoltrar ina dumonda en scrit al secretariat d'examen (adressa vesair sura) ultra da l'annunzia electronica.
21. Pos jau m'annunziar da la segunda u terza classa da la scola reala per l'examen d'admissiun a la terza classa dal gimnasi u l'emprima classa da la scola media u spezialisada?	> Da princip betg. En cas d'excepziunals giustifitgads drovi ina permissiun da la grupp directiva per ils examens d'admissiun. Per quai èsi necessari dad inoltrar ina dumonda en scrit al secretariat d'examen (adressa vesair sura) ultra da l'annunzia electronica.